

DOA SA'IE (RUMI)

Pertama

Allah yang maha Besar, dan pujian yang tak terhingga bagi Allah, dan maha suci Allah yang Agung dan pujian kepada Allah yang Mulia di waktu siang dan malam.

Tiada Tuhan kecuali Allah yang Esa, yang berpegang kepada janjiNya, dan menolong hambaNya, dan memuliakan tenteraNya, tiada sesuatu yang wujud sebelum dan selepasNya.

Dia yang menghidupkan dan Dia yang mematikan dan Dia kekal hidup tidak mati dan tidak akan lenyap. Di tanganNya segala kebaikan dan kepadaNya semua kembali, dan Dialah yang berkuasa atas segalaNya.



DOA SA'IE (RUMI)

Kedua

Allah yang maha Besar (3x), dan segala puji bagi Allah. Tiada Tuhan kecuali Allah yang Esa yang kepadaNya segala hajat ditujukan, yang tidak perlu kepada teman dan anak, dan tiada sekutu bagiNya dan kerajaanNya, dan tiada perlu kepada pertolongan, maka agungkanlah Dia dengan sebenar-benarnya.

Ya Allah sesungguhnya Engkau berkata dalam kitabMu yang diturunkan kepada kami (berdoalah kepadaKu, nescaya Aku akan memperkenankannya). Dengan itu kami berdoa kepadaMu sepertimana yang Engkau perintahkan kepada kami, maka perkenankanlah bagi kami sepertimana yang Engkau janjikan sesungguhnya Engkau tiada memungkiri janji.

Wahai Tuhan kami sesungguhnya kami mendengar panggilan menyuruh kami beriman kepadaMu, maka kami sahut dan beriman kepadaMu. Maka ampunkanlah dosa-dosa kami dan hapuskanlah segala kesalahan kami dan matikanlah kami bersama orang-orang yang membuat kebaikan.

Wahai Tuhan kami, kurniakanlah kepada kami apa yang Engkau janjikan kepada kami melalui pengutusMu dan janganlah Engkau hampakan kami di hari kiamat nanti, sesungguhnya Engkau tidak memungkiri janji.

Wahai Tuhan kami, kepadaMu kami bertawakkal dan kami kembali kepadaMu dan kepadaMu kami kembali. Wahai Tuhan kami ampunkanlah kami dan saudara-saudara kami yang telah pergi dahulu dari kami dan janganlah masukkan di dalam hati-hati kami kedengkian kepada mereka-mereka yang beriman, wahai Tuhan kami sesungguhnya Engkau yang Pelembut dan Penyayang.



DOA SA'IE (RUMI)

Ketiga

Allah yang maha Besar (3x), dan segala puji bagi Allah, ya Allah sesungguhnya aku memohon dariMu segala kebaikan yang diketahui olehMu, dan aku berlindung denganMu dari segala keburukan yang diketahui olehMu. Tiada Tuhan kecuali Allah yang berkuasa, yang nyata kebenarannya. Muhammad pesuruh Allah yang menepati janji dan yang amanah.

Ya Allah aku bermohon dariMu, sepertimana Engkau memberi petunjuk kepadaKu kepada Islam maka janganlah dicabut kelslaman itu dari diriku sehinggalah Engkau mematikan aku dalam keadaan beragama Islam.

Ya Allah jadikanlah dalam hatiku cahaya, dan dalam pendengaranku cahaya, dan dalam penglihatanku cahaya, ya Allah bukanlah pintu hatiku, dan permudahkanlah segala urusanku. Dan aku memohon perlindungan denganMu dari kejahatan bisikan-bisikan dalam diriku, dan dari urusan-urusan yang tidak tersusun, dan dari fitnah kubur.

Ya Allah sesungguhnya aku berlindung dariMu dari kejahatan yang datang pada malam hari dan pada siang hari, dan dari kejahatan yang dibawa oleh tiupan angin, wahai Tuhan yang amat pemurah. Maha Suci Engkau Ya Allah tidaklah kami sembahMu dengan sebenar-benarnya, maha Suci Engkau tidaklah aku mengingatiMu dengan selayaknya.



DOA SA'IE (RUMI)

Keempat

Allah yang maha Besar (3x), dan segala puji bagi Allah, maha suci Engkau, kami tidak mensyukuriMu dengan sebenar-benarnya. Maha suci Engkau yang maha Tinggi pengurusanMu ya Allah.

Ya Allah cintakanlah kami kepada keimanan dan hiaskanlah keimanan ke dalam hati-hati kami, dan bencikanlah kami kepada kekufuran dan kefasiqan dan maksiat. Dan masukkanlah kami di antara orang-orang yang dipimpin.

Wahai Tuhan ampunkanlah kami dan rahmatilah kami, dan muliakanlah kami dan maafkanlah apa yang kami tidak tahu, sesungguhnya Engkau mengetahui apa yang kami tidak tahu. Sesungguhnya Engkau maha Mulia.

Ya Allah peliharalah aku dari azabMu di hari Engkau membangkitkan hamba-hambaMu. Wahai Tuhanku berilah petunjuk kepadaku, dan sucikanlah aku dengan ketaqwaan, dan ampunkanlah aku di dunia dan akhirat, ya Allah luaskanlah bagi kami keberkatanMu, rahmatMu, kelebihanMu dan rezekiMu, ya Allah sesungguhnya aku memohon nikmat yang berterusan yang tidak hilang.

Ya Allah jadikanlah di dalam hatiku cahaya, dan di dalam pendengaranku cahaya, dan di dalam penglihatanku cahaya, dan dalam lidahku cahaya, dan dari arah kananku cahaya, dan dari arah kiriku cahaya, dan dari atasku cahaya, dan jadikanlah di dalam jiwaku cahaya, dan perbanyakkanlah cahaya bagiku. Ya Allah lapangkanlah dadaku dan permudahkanlah urusanku.



DOA SA'IE (RUMI)

Kelima

Allah yang maha Besar (3x), dan segala puji bagi Allah, maha suci Engkau, kami tidak mensyukuriMu dengan sebenar-benarnya. Maha suci Engkau yang maha Tinggi pengurusanMu ya Allah.

Ya Allah cintakanlah kami kepada keimanan dan hiaskanlah keimanan ke dalam hati-hati kami, dan bencikanlah kami kepada kekufuran dan kefasiqan dan maksiat. Dan masukkanlah kami di antara orang-orang yang dipimpin.

Wahai Tuhan ampunkanlah kami dan rahmatilah kami, dan muliakanlah kami dan maafkanlah apa yang kami tidak tahu, sesungguhnya Engkau mengetahui apa yang kami tidak tahu. Sesungguhnya Engkau maha Mulia. Ya Allah peliharalah aku dari azabMu di hari Engkau membangkitkan hamba-hambaMu. Wahai Tuhanku berilah petunjuk kepadaku, dan sucikanlah aku dengan ketaqwaan, dan ampunkanlah aku di dunia dan akhirat, ya Allah luaskanlah bagi kami keberkatanMu, rahmatMu, kelebihanMu dan rezekiMu, ya Allah sesungguhnya aku memohon nikmat yang berterusan yang tidak hilang.

Ya Allah jadikanlah di dalam hatiku cahaya, dan di dalam pendengaranku cahaya, dan di dalam penglihatanku cahaya, dan dalam lidahku cahaya, dan dari arah kananku cahaya, dan dari arah kiriku cahaya, dan dari atasku cahaya, dan jadikanlah di dalam jiwaku cahaya, dan perbanyakkanlah cahaya bagiku. Ya Allah lapangkanlah dadaku dan permudahkanlah urusanku



DOA SA'IE (RUMI)

Keenam

Allah yang maha Besar (3x), dan segala puji bagi Allah, Tiada Tuhan kecuali Allah yang Esa, yang berpegang kepada janjinya, dan menolong hambanya, dan memuliakan tenteranya, Tiada Tuhan kecuali Allah, tidak kami sembah kecuali kepadanya dan kami ikhlas kepadaNya (mengikut ajarannya), walaupun tidak disukai oleh orang-orang kafir.

Ya Allah aku bermohon dariMu petunjuk, taqwa, pengampunan dan berpegang kepada makhluk. Ya Allah aku bermohon keredhaanMu dan syurgaMu, dan aku meminta perlindungan dari kemurkaanMu dan nerakaMu, dan segala percakapan dan perbuatan yang mendekatkan aku kepadanya.

Ya Allah, dengan cahayaMu berilah petunjuk kepada kami, dan kami meminta agar kami merasa cukup dengan kelebihanMu, dan sepanjang malam dan siang aku senantiasa dalam perlindunganMu, nikmatMu, pemberianMu dan kebaikanMu. Engkau yang pertama tiada sebelumMu sesuatu pon, dan Engkau yang kekal terakhir dan tiada sesuatu selepasMu. Kami meminta perlindungan kepadaMu dari kelemahan, kemalasan, azab kubur dan fitnah kekayaan. Dan kami meminta kejayaan memasuki syurgaMu.



DOA SA'IE (RUMI)

Ketujuh

Allah yang maha Besar (3x), dan segala puji bagi Allah. Ya Allah ya Tuhanku cintakanlah kami kepada keimanan dan hiaskanlah ia di dalam hati kami, dan bencikanlah kami kepada kekufuran dan kefasiqan dan maksiat. Dan jadikanlah kami daripada golongan orang-orang yang terpimpin.

Ya Allah kurniakankanlah penghabisan yang baik bagi ajal kami, dan capaikanlah cita-cita kami dengan kurniaanMu. Dan mudahkanlah perjalanan kami untuk mencapai keredhaanMu, dan perbaikilah amalanamalan kami dalam segala hal. Wahai yang menyelamatkan mereka yang kehanyutan, wahai yang memberi pertolongan kepada mereka yang dalam kekusutan dan kehancuran, wahai yang senantiasa memberi kebaikan, sesungguhnya aku meminta perlindungan dari keburukan pemberianMu, dan keburukan perkara yang Engkau tahan dari kami.

Wahai Tuhan kami, matikanlah kami dalam keadaan kami beriman kepadaMu, dan masukkanlah kami bersama golongan orang-orang yang soleh, dalam keadaan kami tidak dikecewakan dan terfitnah. Wahai Tuhan kami permudahkanlah dan janganlah Engkau susahkan urusan-urusan kami, dan berilah penghabisan yang baik buat kami.



DOA SELEPAS SA'IE (RUMI)

Wahai Tuhan kami, perkenankanlah doa kami, berilah kesihatan dan maafkanlah segala dosa kami. Dan bantulah kami dalam mentaatiMu dan mensyukuriMu. Dan janganlah Engkau biarkan kami bergantung kepada selain-Mu. Dan matikanlah kami dalam keimanan dan keislaman yang sempurna dan dalam keadaan Engkau redha kepada kami.

Wahai Tuhan kami, rahmatilah kami dan bantulah kami dalam meninggalkan maksiat-maksiat sepanjang hayat kami, dan rahmatilah kami dengan tidak memberatkan kami dengan sesuatu yang tidak menyenangkan kami, dan kurniakan kepada kami sebaik-baik pandangan dalam perkara-perkara yang mendapatkan keredhaanMu kepada kami, wahai Tuhan yang maha Pengasih lagi maha Penyayang.

